



UNIVERSITÄTS-
BIBLIOTHEK
PADERBORN

Constitvtiones Et Declarationes Examinis Generalis Societatis Iesv

Romae, 1570

De Alio Examine Ad particularia aliquanto to magis desendente, quod eruditis, & Coadiutoibus spiritualibus, & Scholasticis conuenit. Cap. V.

[urn:nbn:de:hbz:466:1-68423](https://nbn-resolving.org/urn:nbn:de:hbz:466:1-68423)

rogetur, an decreuerit, paratusque sit huiusmodi iniurias, illusiones, & opprobria in Christi insignibus inclusa, & alia quæuis, quæ ei inferrentur siue per quemuis ex domo, vel Societate (in qua obedire, & humiliari, ac æternam beatitudinem consequi exoptat) siue extra eam per quemuis uiuentium, nulli malum pro malo, sed bonum pro malo reddendo, admittere, & patienter cū Dei gratia ferre.

46 Ut melius ad hunc perfectionis gradum in spirituali vita tam preciosum perueniatur, eius maius ac inpensius studium sit, quærere in Domino maiorem sui abnegationem, & continuam in rebus omnibus, quoad poterit, mortificationē. Nostrum autem erit in eisdem iuxta gratiam, quā Dominus nobis conferre ad suam maiorem laudem ac gloriam dignabitur, eum iuuare.

DE ALIO EXAMINE AD
particularia aliquanto magis descendente,

quod eruditis, & Coadiutoribus spiritualibus, & Scholasticis conuenit. Cap. V.

I QVO melius intelligi, atque cognosci queant, quæ ad huiusmodi homines spectant: vnusquisque eorū interrogetur; Vbi studuerit; Qua in facultate; Quibus auctoribus ac doctrinæ deditus; Quantum temporis studijs impenderit; Quantumque suo iudicio profecerit; ac no-

C iij minatim

minatim, Quàm sit ei familiaris Latina lingua.

An ad gradus Artium liberalium, vel Theologiæ, 2
vel Iuris Canonici, vel alterius cuiusvis facultatis
sit promotus.

An existimet se memoria ad bene capiendum, & 3
retinendum quod didicerit, esse præditum.

An sibi videatur pollere intellectu, qui citò, ac
bene penetret ea, quibus studuerit.

An in se propensionem naturalem, aut volunta-
riam ad studia sentiat.

An existimet studia sanitati sui corporis aliquid 4
detrimenti attulisse.

An vires sibi corporales, & spirituales suppetere
sentiat ad labores, qui in Societate requiruntur, fe-
rendos, siue in studijs, quamdiu illis vacat, siue in
vineâ Domini, cùm in ea laborandum est.

Si Sacerdos fuerit, An se in audiendis confessio- 5
nibus, vel in prædicatione, vel alijs ministerijs ad
proximum iuuandum exercuerit.

Cùm ad huiusmodi officium ac misterium diuini 6
verbi seminandi, & spirituali proximorum auxilio
attendendi litterarum bonarum sufficiens eruditio
requiratur, & Scholasticos etiam aliquod sui profe-
ctus in litteris, quibus studuerunt, specimen præ-
bere oporteat, omnes examinentur. Quod fiet, si
quisque lectionem vnam in quavis facultate, cui
operam dederit, prælegat: & postea exhortationem
vnam quisque (idque ante egressum à prima pro-
batione) faciat; & postea in secundâ ingrediendo,

si ei

si ei fuerit iniunctum, vt inferius dicitur, hoc ipsum faciet.

- 7 Præterea intelligat (si Sacerdos est, vel quando-
cunque promotus ad sacerdotium fuerit) quòd con-
fessiones nec domi, nec foris audire, nec vlla Sacra-
menta ministrare sine peculiari probatione, edifica-
tione, & facultate sui Superioris per totum proba-
tionis tempus debet: Sed nec publicè missam dice-
re debet, donec coram aliquo, vel pluribus dome-
sticis priuatim eam dicat, & admoneatur, vt in-
modo dicendi conueniat cum alijs de Societate, in-
ter quos agit; & se ad ædificationem eorum, qui
illam sunt audituri, componat.

AD MAIOREM HUMILITATEM

& perfectionem eruditorum, Coadiuto-
rum spiritualium, & Scholasticorū.

SI de eo, qui in Societatem est ingressurus, dubi-
tatur, an idoneus sit futurus, vt ad professionem,
vel in Coadiutorem spiritualem, uel Scholasticum
eius admittatur: cum id tanquàm certissimum sta-
tuatur, quòd multo melius & perfectius sit, vt ipse
iudicari & regi se à Societate sinat; quandoquidem
non minus, quàm ipse, quod exigitur, ut in ea ma-
neat, Societas intelliget; ipsi uerò maiori humili-
tati, & perfectioni tribuetur; maioremque dilectio-
nem, ac fiduciam in his, à quibus est gubernandus,
ostendet; Interrogetur, an velit proprium sensum,

C iiij aciudi-

ac iudiciū Societati submittere, vel eius Superiori, ita, ut acquiescat eius sententiæ; siue inter eos illum constituat, qui in Societate professionem emittunt, & Christi Domini nostri Vicario obligantur; siue inter Coadiutores; siue inter Scholasticos Societatis, in studijs vltius progrediendo. Interrogetur vltius; si Superior vellet semper eundem solum vt Coadiutorem in rebus exterioribus Societatis curandis occupari, ac sic in suæ animæ salutem incumbere; An paratus sit in humilibus & infimis officijs se exercere, vitamque omnem in vtilitatem & auxilium eius exigere; sibi persuadendo, quòd dum ei inseruit, Creatori ac Domino suo (pro cuius amore, & debita reuerentia omnia facit) inseruit.

DE ALIO EXAMINE AD SOLOS

Coadiutores accommodato.

Cap. VI.

AD maiorem rei notitiam declaretur vnicuique ex huiusmodi Coadiutoribus latius, quod in initio attingebatur; Quòd scilicet in hanc Societatem Coadiutores spirituales, & temporales admittuntur: Spirituales quidem, qui Sacerdotes sunt, & litteris sufficienter ornati, vt in rebus spiritualibus Societate iuuent: Temporales verò ad sacros ordines non promoti cum litteris, vel sine illis, in rebus externis, quæ necessariae sunt, possunt iuuare.

Priorum magis proprium est, Societatem in audiendis